

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

Dominica Palmarum.

Id jure primogenitur etiam obtinet. Nam primogeniti in V. T. primi erant in sacrificio, & primi in regno, Genes. 49, v.3. Talis est Christus a Patre, Col. i. v.15. & a Matre, Luc. 2, v.7. Hinc solennem suum Hierosolymis ingressum ut Rex simul & Sacerdos noster celebrare voluit. Dominica I. Adventus vidimus ingressum Christi regalem jam videbimus Deo volente ingressum ipsius Pontificalem, quia hoc tempore de passione in Ecclesia, unde tota haec septimana, septimana passionis, vulgo die Martirorum appellatur, quam a Dominica Palmarum ordinatur, & haec a palmis nomen habet, quas in hoc ingressu populus ipso prætulit.

Prælecta pericope duas habet partes, quarum

Prior Continet ingressum Christi sacerdotalem.

Posterior applausum populi festivalem.

J.J.

EXEGESIS.

Egredimini & videte filia Sion Regem Salomonem in diadema suo, quo coronavit ipsum mater sua in die desponsationis illius, & in die latitiae cordis ejus, inquit Salomo Cantic. 3, vers. 11. Liceat mihi dilecti, vos etiam ita alloqui. Ingreditur hodie celestis Salomo Hierosolymas, ubi novacula pessima Judaica synagoga coronam spineam capitui ipsius imponit. Haec est dies desponsationis, quia sponsus ille sanguinis Ecclesiam redemit, Actor, 20. v. 28. & aeterno vinculo sibi copulavit, Os. 2, vers. 19, quod sponte fecit in latitia cordis, ut ipse testatur Psalm. 40. v. 9. & Luc. 22. v. 15. Hoc ex praesenti Evangelio considerat hodie Sancta mater Ecclesia. Proinde egredimini filiae

Sion, & videte Regem Salomonem, quomodo in diademate spineo ut Pontifex & Sacerdos noster incesserit. Docet hoc

1. Temporis nota. Nam eo ipso die ingressum suum instituit, quo olim juxta mandatum Dei agnus paschalisch ex grege feligebatur, videlicet die decimo mensis primi, & mactabatur postea die 14. circa vesperam, Exod. 12. vers. 3. 6. Jam vero Christus est verus agnus Dei, Johan. i. v. 29. & pascha nostrum, 1. Cor. 5. v. 7. Proinde ut ostenderet, figuram illam agni paschalisch in se impletam esse illo ipso die, quo olim paschales agni de grege separabantur, peculiare quid ordinet, & non consueto hac tenus more, sed singulari cum pompa urbem ingreditur, quia tempus aderat, quo tanquam victima patri suo in odorem suavitatis se offerre debebat, Ephes. 5. v. 2.

2. Ingressus porta. Veniebat Bethania ad montem Oliveti, & si recta via progrederetur, ad portam arcis Sionæ devenisset, ubi Reges habitare solebant, sed deflectit a via ordinaria, & pergit ad portam ovium, cum Schaff. Thor / quæ sic dicebatur, quia paccebantur ante eam oves agnopaeschali & sacrificiis destinatae, vel quia per eam oves immolanda ad templum ducebantur.

Hoc ipso Christus indicare voluit, se esse verum & unicum N. T. Sacerdotem, qui non per sanguinem taurorum & hircorum, sed per proprium sanguinem suum sacrificium perficere velit, cuius typus fuerunt omnes agni, per hanc portam ad sacrificeia ducti, sicut etiam paulo post in historia passionis a monte Oliveti per torrentem Kidron eadem hæc portæ introductus est ad sumnum Sacerdotem Caipham, cui incumbebat, ratione officii agnos immolan-



dos vel etiam in paschate mactandos explorare an qualitatibus in lege præscriptis prædicti sint, Exod. 12. vers. 1. 5. Levit. 22. v. 19. seqq.

3. *Urbs congrua.* Nam prohibitum erat in V. T. ne uspiam, præterquam Hierosolymis sacrificia offerrentur, Deuter. 16. v. 5. proinde Hierosolymas ingreditur Salvator, quia offerre volebat sacrificium propitiatorium pro peccatis totius mundi, 1. Joh. 2. vers. 1. Deinde congruum erat, ut Hierosolymis moreretur, quia erat Prophetarum maximus, Deuter. 18. vers. 18. quos non contingit perire extra Jerusalem, Luc. 13. vers. 33. Tandem idem quoque factum est, quia Hierosolyma erat celeberrima totius Orientis Metropolis, & umbilicus quasi universi mundi, ut ab Egesippo describitur, unde fructus passionis Christi, salus nimirum æterna ad omnes omnino homines emanere potuit, sicut etiam Hierosolymis Concionem Evangelii exorti sunt Apostoli, & exinde per totum mundum divulgant, juxta præceptum Christi Luc. 24. vers. 47.

4. *Templi cura.* Nam statim ad templum properat, & post heroicam reformationem ibi docet per integrum diem, quo ostendit, se esse Sacerdotem illum magnum super domum Dei, Ebr. 10. v. 21. quem Pater cœlestis nobis audiendum proposuit, Matth. 3. vers. 17. & simul etiam complevit, quod Haggæus de templo secundo prædictit. Hag. 2. v. 8. 10.

5. *Zacharia Propheta,* quam allegat Evangelista vers. 4. Cum enim Christum nominasset Regem, & ejus ingressum descripisset, mox subiungit: Tu autem in sanguine testamenti tui emittis vincitos de lacu, in quo non est aqua, q.d. Messias hunc in-

gressum suum non solum ut Rex, sed etiam ut Sacerdos celebrabit, & effundet sanguinem suum, qui est sanguis Testamenti in ara Crucis, ut liberet genus humanum ex infernali captivitate.

Officia Sacerdotum erant I. docere, Mal. 2. v. 7. II. Sacrificare, Ebr. 5. v. 1. III. Orare, 1. Sam. 12. vers. 23. IV. Benedicere, Num. 6. v. 23. seqq. Hæc omnia Christus, impletivit in diebus carnis suæ, Johan. 1. v. 18. Eph. 5. v. 2. Elsa. 53. v. 12. Ebr. 5. v. 7. Marc. 10. v. 16. Luc. 24. v. 50. imò æternus sacerdos est, Ps. 110. vers. 4. & quamvis in propria persona non amplius doceat, tamen dat Ecclesiæ suæ Pastores & Doctores, Eph. 4. vers. 11. quamvis seipsum non amplius offerat, tamen virtus sacrificii ejus adhuc durat, Ebr. 10. v. 14. est adhuc ad dextram Patris & interpellat pro nobis, Rom. 8. v. 34. & participes nos facit cœlestis benedictionis, Matth. 15. v. 34. 1. Pet. 3. v. 9.

De Secundo.

Restat ut videamus etiam *applausum populifestivalis.* Nam postquam Christus asina vectus Hierosolymas ingreditur, non quidem magnates Romani Imperatoris, vel Hierosolymitani Pontificis ipsum comitantur, sed pueri & puellæ cù misella plebe, paucisq; discipulis, qui excipiunt ipsum,

1. *Liberaliter*, dum vester Christo substernunt, & eo ipso nos hortantur, ut cum dispendio rerum privatarum publicum Ecclesiæ bonum juvate & promovere studeamus, & pro sua quisq; parte operam demus, ut fidelis Ecclesiæ ministri necessariam sustentationem habere possint. Nam ministerium verbi & Sacramentorum est qualis vehiculum ingredientis ad nos Christi. Proinde libenter contribuamus de facultatibus